



**KABINET DIREKTORA**



88000 Mostar, Dubrovačka bb.  
Tel. +387 36 445 670  
Fax.+387 36 445 693  
email:ured.direktora@fzmiopio.ba  
71000 Sarajevo, Ložionička broj 2  
Tel. +387 33 723 125  
Fax.+387 33 723 200

BROJ: FZ3/8-4-7-600-3/23  
Sarajevo, 15. novembar 2023. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**PREDSTAVNIČKI/ZASTUPNIČKI DOM**  
**Kabinet sekretara/Ured tajnika**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno:		16-11-2023	
Org. jed.	Broj	Priloga	Vrijednost
05/1	-02-	390	123

**PREDMET: Odgovor na zastupničku inicijativu, dostavlja se**

**Veza Vaš akt, broj: 05/1-02-390/23 od 26.10.2023. godine**

Povodom Vašeg podneska broj i datum iz veze, u prilogu kojeg ste dostavili na nadležni postupak inicijativu zastupnice Zuko Kenele, koja je podnesena na 8. vanrednoj sjednici Zastupničkog doma Parlamenta Federacije Bosne i Hercegovine, a kojom se traži dostava podataka o broju porodica sa jedno, dvoje, troje, četvero i više djece u Federaciji Bosne i Hercegovine, a u svrhu izmjene i dopune zakona koji se tiču statusa porodica sa djecom u Federaciji Bosne i Hercegovine, obavještavamo Vas o sljedećem:

Federalni zavod za penzijsko/mirovinsko i invalidsko osiguranje Mostar ne raspolaže podacima o broju porodica sa jedno, dvoje, troje, četvero i više djece u Federaciji Bosne i Hercegovine.

Članom 4. Zakona o penzijskom i invalidskom osiguranju („Službene novine Federacije BiH“ broj: 13/18, 90/21 i 19/229 propisano je, da su prava iz penzijskog i invalidskog osiguranja:

- pravo na starosnu penziju,
- pravo na invalidsku penziju,
- prava osiguranika sa promijenjenom radnom sposobnošću,
- pravo po osnovu fizičke onesposobljenosti,
- pravo na porodičnu penziju.**

Nadalje, članom 68. Zakona propisano je da pravo na porodičnu penziju imaju članovi porodice umrlog osiguranika koji je na dan smrti ispunjavao uslove za starosnu ili invalidsku penziju i članovi porodice umrlog korisnika starosne ili invalidske penzije, dok član 69. Zakona propisuje da se članovima porodice umrlog osiguranika, odnosno korisnika penzije smatraju:

- bračni supružnik i vanbračni partner (udovica odnosno udovac),
- razvedeni bračni supružnik, ako mu je pravosnažnom presudom suda dosuđeno pravo na izdržavanje,
- dijete, rođeno u braku ili van braka, te usvojeno dijete,
- pastorak ukoliko ga je umrli osiguranik, odnosno korisnik penzije izdržavao,

- e) dijete-unuče bez oba roditelja ukoliko ga je umrli osiguranik, odnosno korisnik penzije izdržavao.

Članom 73. Zakona propisani su uslovi za ostvarivanje prava na porodičnu penziju djeteta, kako slijedi:

- (1) **Dijete ima pravo na porodičnu penziju do navršenih 15 godina života.**
- (2) **Poslije navršenih 15 godina života, dijete ima pravo na porodičnu penziju do završetka redovnog školovanja, ali najkasnije do navršenih 26 godina života.**
- (3) Redovnim školovanjem, u smislu ovog zakona, ne smatra se školovanje u školi istog ili nižeg stepena obrazovanja od škole koju je dijete završilo.
- (4) Dijete kod koga nastupi nesposobnost za samostalan život i rad prije 15. godine života ima pravo na porodičnu penziju dok ta nesposobnost traje.
- (5) Dijete kod koga nesposobnost za privređivanje nastupi poslije 15. godine života, a prije smrti osiguranika odnosno korisnika penzije ima pravo na porodičnu penziju ako ga je osiguranik odnosno korisnik penzije izdržavao do svoje smrti.
- (6) Dijete kod koga u toku korištenja prava na porodičnu penziju nastupi nesposobnost za samostalan život i rad ili nesposobnost za privređivanje zadržava pravo na penziju dok ta nesposobnost traje.
- (7) Nesposobnost za samostalan život i rad postoji kada se lice zbog vrste i težine fizičkog ili mentalnog oštećenja ili vrste i težine psihičke bolesti ne može osposobiti za obavljanje najjednostavnijih poslova.

S tim u vezi, Federalni zavod za penzijsko/mirovinsko i invalidsko osiguranje raspolaže samo podacima o korisnicima porodičnih penzija kojima se isplata vrši od strane Zavoda.

Pri tome, moguća je situacija da čak ni korisnici porodične penzije kod Zavoda nisu sva djeca u porodici, iz razloga što se neko od djece ne nalazi na redovnom školovanju ili je zasnovalo radni odnos.

Imajući u vidu naprijed navedeno, Zavod može dostaviti samo podatke o broju porodičnih penzija čiji korisnici su jedno, dvoje, troje, četvero ili više djece sa prebivalištem/isplatom adresom u Federaciji BiH.

Ukoliko navedene podatke smatrate adekvatnim i relevantnim, nadležne službe Zavoda stoje Vam na raspolaganju radi dostave istih.

S poštovanjem,

**PRIVREMENI DIREKTOR**  
Halil Subašić, Mr. iur.

